

P. 793, L. 1【**述發**】前此「三周說法」反覆正說（佛說）、領解（表明弟子之領解）、述成（佛對弟子之領解認可）、授記（佛對弟子成佛作預言）四階段。循此以度化上、中、下三根，可謂周備完足。（參考 p.161：5）故此〈普賢菩薩勸發品〉亦用此「述成」，表釋迦世尊領解認可普賢菩薩之勸發：護人、護法。《妙法蓮華經文句》卷 10〈釋普賢菩薩勸發品〉：「述發者，即是如來舉勝，述成其劣，增進行者勇銳弘宣。先述護法，云汝能如是外多利益，內積慈悲，又久劫以來作如此護，我亦以佛之神力守護是法，況復汝耶？如文。」（T34,p.149a4-8）《法華經授手》卷 10〈普賢菩薩勸發品第二十八〉：「又久劫已來。作如此護。則汝之功德。無以加矣。凡有眾生持汝名者。我亦以神力守護是人。為彼堅其信力。使法有所賴也。」（X32,p.826a15-18）「三周說法」：法說、譬說、因緣周。以方便品、譬喻品、化城喻品為代表。

P. 793, L. 7【**述教以內法**】《妙法蓮華經文句》卷 10〈釋普賢菩薩勸發品〉：「述其示身教法，其尚見我萬德果身，況汝因中六牙白象？其尚從佛口具足聞經，況汝所教忘失章句？其尚為佛口讚、手摩、佛衣所覆，況汝因人陀羅尼覆耶？」（T34,p.149a10-14）《法華經大成》卷 9〈普賢菩薩勸發品第二十八〉：「如從口聞等。謂正憶念。則即此經而見佛。不滯於名相。即此法而造妙。不異於親聞也。是為供佛。謂能作佛事也。佛讚善哉。謂深契佛心也。摩頂言得果有期。衣覆言成就忍行。憶念之正。冥證若此。」（X32,p.538a4-8）

P. 793, L. -2【**述示勝因**】《妙法蓮華經文句》卷 10〈釋普賢菩薩勸發品〉：「從『不貪著世樂』下，述其舉因。廣舉因中無諸過惡，少欲知足，修普賢行，述勝因也。」（T34,p.149a14-16）《法華經大成》卷 9〈普賢菩薩勸發品第二十八〉：「有正憶念。自然具足安樂行法。而三毒垢慢所不能惱。真能修普賢之行也。當知正憶念力為四行之總持。實妙行之真要。所以再三言之。世尊又復助揚。意使後世知普賢所以勸發成行。不在多術。唯正憶念耳。」（X32,p.538a11-15）《法華經授手》卷 10〈普賢菩薩勸發品第二十八〉：「修普賢行是眾德之本。其德有六：一不貪世樂德。世樂即財色名食睡之五欲也。二不好外道人法德。法即經書手筆。人即外道六師也。三不親惡者德。惡亦有三。一畜猪等。二獵師。

三女色街賣者。即開彰行市也。四正直福力德。五不為根本大小隨眠所惱德。三毒謂貪嗔痴。根本惑也。屬鈍使。嫉妬小隨也。我慢等大隨也。屬利使。於七慢中。舉三慢以攝其餘。六知足德。謂於五欲中。隨分受用也。次下總結。若能具此六德。即名能修普賢之行也。」(X32,p.826b4-13)

P. 794, L. 4【述示近果】《法華經授手》卷 10〈普賢菩薩勸發品第二十八〉：「通節印證末世六種法師當得菩薩護助。使人信其不久成佛。…亦結法說一周之文。以轉法輪等。是序品、方便品文殊答彌勒之文故。上節修普賢六種法師。具大因也。此節得阿耨菩提等六種法師。具大果也。○此印證得經者。為菩薩護助。直應恭敬獲福。不宜輕毀致罪。…故其人雖不貪世樂。然於資生之物。有所願求。亦必不虛。而現世得其福報也。」(X32,p.826b15-c1)

P. 794, L. -2【白癩等】「白癩病」，癩瘋病。「繚戾」：1. 回旋曲折。2. 亦作「繚悞」，謂憂思縈繞而鬱結。「角眴^か」：用眼角斜視。～《漢語大詞典》《法華經授手》卷 10〈普賢菩薩勸發品第二十八〉：「此舉賢不賢行人。俱不可毀。設於未持已前。有諸過咎。一持此經。如湯銷水。即實有過。以持經故。其善大焉。或持經者。有過無過。若於他人前非毀。是障持者之莊嚴法身。所以報得癩病也。又或輕弄叱咲^さ持經之者。感世世牙齒疎缺等。然一輕咲。而致罪如此者。由一根舉而諸根隨。故如是報也。手繚脚戾。乃卷曲不伸也。眼角眴者。瞳子不正也。臭穢者。無知見香也。水腹者。由空腹高心。無顧無忌也。短氣者。由輕咲之聲。無狀無畏也。諸惡重病。總結一切不善之業。」(X32,p.826c11-20)

P. 795, L. 4【當如敬佛】《法華經授手》卷 10〈普賢菩薩勸發品第二十八〉：「此囑敬信受持者也。必曰見而遠迎。敬而如佛者。以持經行人。有諸佛菩薩守護。而又能發救眾生之心。是則因果二佛齊在。焉得不如是迎敬耶。」(X32,pp.826c22-827a2)

P. 795, L. -6【旋陀羅尼、普賢道】《妙法蓮華經文句》卷 10〈釋普賢菩薩勸發品〉：「旋陀羅尼是初地位，具普賢道是十地位；」(T34,p.149a24-25)《法華經授

手》卷 10〈普賢菩薩勸發品第二十八〉：「知音云。此節。經家敘置聞品得益之眾。結因緣說一周。以恒沙眾及微塵眾各具佛知見之因。遇佛說普賢道為緣。故證旋陀羅尼。或具普賢道。各隨機契也。直指云。獨聞此品而獲益者眾。是大法已終之境界也。言無量得旋陀羅者。當是得十地果。微塵等具普賢道。當是得佛果位。所以言道而不言行也。知音以此三段。結盡三周者。乃了完如來出世為一大事因緣之案。蓋三周事畢。即說法師品以流通焉。雖結其迹。而本門之大事。亦具其中矣。如此結歸。不無其見。」(X32,p.827a5-14)

P. 795, L. -5【聞經益】《法華經大成》卷 9〈普賢菩薩勸發品第二十八〉：「此總結靈山一會。大眾聞經獲益也。一部經內。兼有師資。就勝為言。故云佛說。普賢等。該列眾中菩薩眾。舍利弗等。該列眾中聲聞眾。仍稱聲聞者。存本位耳。其實大乘聲聞。以佛道聲。令一切聞也。諸天等。該列眾中八部眾。歡喜者。慶所聞故。多劫飄零。未聞此法。今既聞已。如客遇他鄉。不勝忻幸。故慶聞也。受持者。領所聞故。受持不失。信之不疑。如遵王勅父命。故領聞也。作禮者。重所聞故。中心感激。五體翹勤。如蒙至極之恩。拜謝無已。故重聞也。而去者。聞已退修故。古人進而聞道於師。退而修道於已。非如今人之入耳出口也。」(X32,p.538b10-20)

《法華經授手》卷 10〈普賢菩薩勸發品第二十八〉：「說是經者。即前三大分。本迹二門。皆說已竟。此是結所說之教。次結能聽之機。舉普賢。以等該文殊、彌勒、藥王、觀音及無量大菩薩。是本門之眾。舉舍利弗。即攝目連、須菩提、富樓那等一切聲聞。是迹門之眾。亦攝盡三乘及四眾等也。末舉八部收後。是舉無不盡。則六道法界俱攝盡無餘矣。然序眾中詳演。此結處略標。則詳略見矣。復舉一切大會。則又該此界他方一切本迹三乘及人天等。無不結盡。舍利弗仍存聲聞名者。乃依今迹位而結。以便統攝諸聲聞也。皆大歡喜一句。是統收在會此界他方聖凡大眾。得開示悟入佛知見之慶幸也。其喜踴應有無量。總不出全經本迹兩門之利益也。受持佛語者。受即領承拜受。持即執守奉行。佛語者。即前迹本二門、正說流通之語也。作禮而去者。一則儀法之所當行。聞教之後。必應禮謝去者。乃各歸一所。如前序眾中。有恒沙菩薩來。

2024/6/11

有長者居士來。有天龍八部來。前既有來。今必有去。二則禮者盡其誠敬也。既聞三周開顯本迹。今彰實相一乘。朗然開悟。而感謝之私。無以為喻。但只作禮而已去者。即各各依教修行。歸自本心。所謂一真寂滅場地。亦古謂：一念萬年去。一條白練去。冷秋秋地去。古廟香爐去。如是去者。可謂中中流入也。」(X32,p.827a16-b13)